

Komũ na Kaigũ nĩ tũmwana twa nyina ũmwe.

Mami wao nĩ mũrĩmi wa indo cia mĩthemba
mĩingĩ. Nĩ arĩmaga indo ta mbembe, mboco, waru,
nyanya, mboga na ingĩ nyingĩ. Mũgũnda wake nĩ
ũkoragwo na tĩri mũnoru wega.





Kaingī Komū na Kaigū nī mathiaga kūrira nyoni
itigathūkie irio. O mūthenya mathaa ma kīroko,
ma mīaraho na ma hwaī-inī nīguo Komū na Kaigū
mathiaga kūrira nyoni.





Mũthenya ũmwe Komũ na Kaigũ nĩmathiaga
kũrira nyoni mathaa-inĩ ma mĩaraho. Mathiaga
magĩthakaga na mũbira. Nĩmendete mũno gũthĩĩ
magĩthakaga mũbira ũcio.





Nĩmakinyire mũgũnda-inĩ na makĩambĩrĩria
kũingata nyoni. Nĩ ciathũkagia mbembe na mboco
cia nyina. Marĩkia kũingata nyoni nĩmaikarire
rungu rwa mũtĩ wa maembe. Nĩmakeneire kĩruru
kĩa mũtĩ ũcio tondũ nĩ kwarĩ na riũa inene mũno.






Hakuhĩ na mūtĩ ũcio nĩ harĩ na rūũĩ. Rũũĩ rūu rwarĩ
na maaĩ matheru mũno. Nyina wao nĩ ahũthagĩra
maaĩ ma rūũĩ rūu gũitĩrĩria mĩmera yake rĩrĩa riũa
rĩaneneha. Ningĩ maĩ macio no manyuagwo mũndũ
anyota.






Komū na Kaigū nī manyotire. Nī mathiire kūnyua
maaī hau rūūī-inī. Marīkia kūnyua maaī, Komū nī
erire mūrū wa nyina Kaigū atī no methambīre hau
rūūī-inī.






Kaigũ nĩetĩkĩrire ũrĩa erirwo nĩ Komũ. Ndaririkanire atĩ nyina nĩ amakanĩtie gwĩthambĩra rūũĩ-inĩ rūu. Nĩmarutire nguo na magĩciiga handũ hega. Nĩ maingĩrire rūĩ na makĩambĩrĩria gũtubĩra.





Marĩ okũu rūũĩ magĩtubĩra nĩhokire nũgũ igĩrĩ.
Maingatĩte nũgũ ici kuuma mũgũnda makora
igĩthũkia mbembe. Nĩ cioire nguo na cikĩambĩrĩria
gũthaka nacio. Komũ na Kaigũ matigana gũciona nĩ
ũrĩa nao mathakĩte.






Thutha wa kahinda nūgū nīciahaicire mītī-inī
na nguo icio. Komū na Kaigū maigania gūtubīra
nīmaumire rūūī. Mathiī harīa maigīte nguo
matiacikorire. Marora igūrū nīmonire nūgū igīrī
igīthaka na nguo ciao.






Mītī ĩyo yarĩ mĩraiĥu mũno na matingĩahotire
kũhaica. Nĩmarigagwo mũno ũrĩa makũinũka na
ũrĩa mekwĩra nyina makinya mũciĩ. O ĥĩndĩ ĩyo
nĩmonire mũthuri wahĩtũkaga akuuĩte gĩkabu.
Makĩmũria amateithia gũtuunya nũgũ nguociao.





Mũthuri ũcio nĩ aririkanire atĩ nĩ auma na marigũ meru gĩkabu-inĩ gĩake. Nĩarutire mwahũ wa marigũ meru na agĩkia harĩa nũgũ icio ingĩamonire. Nũgũ nĩciaharũrũkire na ihenya. Nguo cia Komũ na Kaigũ nacio nĩ ciagũire thĩ nao magĩcioya na ihenya.





Komũ na Kaigũ nĩmehumbire nguo ciao. Nĩ
macokeirie mũthuri ũcio ngatho mũno. Nĩamaerire
ti wega gũtubĩra rũũĩ rũu tondũ maaĩ ma ruo nĩ
manyuagwo nĩ andũ. Komũ na Kaigũ nĩmehĩtire
gũtirĩ hĩndĩ ĩngĩ magakararia nyina wao.

